



adresa: Franca Lehara 5, 71000 Sarajevo  
telefon: +387(0)33 214 543  
telefon: +387(0)33 213 288  
fax: +387(0)33 214 543  
info@ggs.edu.ba  
ggs.edu.ba

address: Franca Lehara 5, 71000 Sarajevo  
telephone: +387(0)33 214 543  
telephone: +387(0)33 213 288  
fax: +387(0)33 214 543  
info@ggs.edu.ba  
ggs.edu.ba

Broj: 02-1795/23

Datum: 11.09.2023.godine

Na osnovu člana 100. stav (3) Zakona o javnim nabavkama "Službeni glasnik BiH" broj: 39/14 i 59/22), na prijedlog Komisije za javne nabavke, rješavajući po žalbi ponuđača „RUBIKON“ d.o.o. Bijeljina zaprimljenoj na protokol Ugovornog organa dana 11.09.2023. godine pod brojem 02-1792/23, a koji se odnosi na Tendersku dokumentaciju za nabavku roba – Nabavka, isporuka i instalacija računara i računarske opreme za potrebe JU Srednja građevinsko geodetska škola Sarajevo broj 02-1701/23, direktor Škole donosi:

## ODLUKU

### I

Usvaja se žalba ponuđača „RUBIKON“ d.o.o. Bijeljina zastupanog od strane advokata Milana Milovanovića iz Bijeljine, broj predmeta: 53/23 od 07.09.2023.godine, protokolisana na protokol Ugovornog organa pod brojem 02-1792/23 dana 11.09.2023.godine, izjavljena na tendersku dokumentaciju u konkurentskom zahtjevu za dostavu ponuda za nabavku roba – Nabavka, isporuka i instalacija računara i računarske opreme za potrebe JU Srednja građevinsko geodetska škola Sarajevo broj 02-1701/23, pri čemu je Ugovorni organ utvrdio da je žalba ponuđača blagovremena, dopuštena, izjavljena od ovlaštenog lica i u cijelosti osnovana.

### II

Ugovorni organ postupajući po žalbi ponuđača usvaja žalbu u cijelosti, te će u skladu sa navedenim sačiniti izmjenu i dopunu Tenderske dokumentacije u predmetnom postupku, te istu putem Portala javne nabavke i web stranice Ugovornog organa učiniti dostupnom svim potencijalnim ponuđačima.

### III

Ugovorni organ usvaja zahtjev žalitelja u vezi naknade advokatskih troškova u ukupnom iznosu od 618,75 KM, uz napomenu da isti nije PDV obveznik. Isplata će se izvršiti prema postavljenom troškovniku, a shodno pravnoj praksi za razmatranje žalbi. Naknada za troškove postupka isplatit će se na račun advokatske kancelarije na račun broj: 5550000042578847 otvoren kod Nova banka a.d. Banja Luka, u roku od 15 dana od dana donošenja Odluke.

### IV

Ova Odluka stupa na snagu danom donošenja i ista će biti objavljena na web stranici Ugovornog organa.

## Obrazloženje

Postupak javne nabavke pokrenut je Odlukom o pokretanju postupka javne nabavke roba – Nabavka, isporuka i instalacija računara i računarske opreme za potrebe JU Srednja

građevinsko geodetska škola Sarajevo broj 02-1580/23 od 23.08.2023.godine. Javna nabavka provodi se putem konkurentskog zahtjeva za dostavu ponuda, procjenjena vrijednost javne nabavke bez PDV-a je 15.000,00 KM.

U toku postupka nabavke predmetnih roba ponuđač „RUBIKON“ d.o.o. Bijeljina zastupan od strane advokata Milana Milovanovića iz Bijeljine podnio je pravovremeno žalbu na Tendersku dokumentaciju Ugovornog organa. Svojim navodima žalitelj zahtjeva izmjenu Tenderske dokumentacije Ugovornog organa, i to na stani 11. Obrazac za cijenu ponude (Tehnička specifikacija) na način da se ponuđačima ponudi mogućnost da mogu na za to predviđenim praznim mjestima, prema odgovarajućim stavkama, navesti podatke o proizvodu i tipu odgovarajućeg proizvoda koji nudite, ako se to traži, i ostale podatke koji se odnose na taj proizvod, a isto je propisano članom 54. stav (10) Zakona o javnim nabavkama gdje se zahtjeva da ako se izuzetno objavi poziv za određeni proizvod sa dodatkom „ili ekvivalent“, ponuđač mora na za to predviđenim praznim mjestima, prema odgovarajućim stavkama, navesti podatke o proizvodu i tipu odgovarajućeg proizvoda koji nudi te, ako se to traži, i ostale podatke koji se odnose na taj proizvod... Proizvodi koji su u tenderskoj dokumentaciji navedeni kao primjeri smatraju se ponuđenima ako ponuđač ne navede nikakve druge proizvode na predviđenom mjestu.

Iz citiranog stava takođe je vidljivo da, ukoliko ponuđač nudi ekvivalent, na za to predviđenim mjestima, navodi podatke koji se traže (naziv, opis, itd.), te da je teret dokazivanja da ponuđeni predmet nabavke zadovoljava propisane uslove, odnosno kriterije mjerodavne za ocjenjivanje ekvivalentnosti, na ponuđačima.

U Uputstvu za pripremu modela tenderske dokumentacije i ponuda (“Službeni glasnik BiH” broj: 90/14) u članu 3. pod c) alineja 13. je navedeno da Ugovorni organ u slučaju korištenja izraza “ekvivalent” (Ugovorni organ čak i ne daje mogućnost nuđenja ekvivalenta) u obavezi da ostavi prostor da se u odgovarajućim praznim poljima upiše ekvivalent koji se nudi.

Predmetni zahtjev iz žalbe je razmotren i utvrđeno je da je isti opravdan, tako da će Ugovorni organ izvršiti dopunu i izmjenu Tenderske dokumentacije na strani 11. Obrascu za cijenu ponude (Tehničkoj specifikaciji) na način da će omogućiti ponuđačima da se u odgovarajućim praznim poljima upiše ekvivalent koji se nudi.

Takođe, cijeneći navedeno, te prihvatajući navode iz žalbe, ipak moramo konstatovati i slijedeće, a to je da slijedom gore navedenog, u duhu prethodno citiranih odredbi, nije osnovan žalbeni navod da je Ugovorni organ tenderski dokument postavio nejasno i da je ograničio konkurenciju na način kada se u određenim stavkama tendera pozvao na određenog proizvođača i robne marke, te na ovaj način Ugovorni organ nije ograničio konkurenciju niti je ovako postavljen zahtjev nejasan, što ne umanjuje pogrešku Ugovornog organa kod izrade Obrasca za cijenu ponude (Tehničke specifikacije) gdje nije omogućio ponuđačima da se u odgovarajućim praznim poljima upiše ekvivalent koji se nudi.

Takođe, imajući u vidu odredbu člana 54. stavovi (3) i (4) Zakona o javnim nabavkama BiH, Ugovorni organ ne smije odbiti ponuđača koji dostavi proizvod koji odgovara tehničkim specifikacijama na koje se poziva Ugovorni organ. Osim toga, napominjemo da je ponuđač imao mogućnost tražiti pojašnjenje tenderskog dokumenta, nakon njegovog preuzimanja, kao i da je Ugovorni organ dužan dostaviti obrazloženje tom i svim ostalim ponuđačima koji su preuzeli tenderski dokument (član 56. stavovi (1) i (2) Zakona o javnim nabavkama Bosne i Hercegovine).

Ugovorni organ je razmotrio navedene navode, te ocijenio opravdanost istih, te s tim u vezi Ugovorni organ će sačiniti izmjenu Tenderske dokumentacije i istu putem Portala javne nabavke i web stranice Ugovornog organa učiniti dostupnom svim potencijalnim ponuđačima.


U skladu sa navedenim odlučeno je kao u dispozitivu.

## POUKA O PRAVNOM LIJEKU

Nezadovoljna strana protiv ove Odluke ima pravo uložiti žalbu URŽ, putem Ugovornog organa u roku od 10 (deset) dana od dana prijema ove Odluke.

Dostavljeno:

- „RUBIKON“ d.o.o. Bijeljina putem advokata Milana Milovanovića iz Bijeljine ul. Gavriła Principa broj 11/2, 76300 Bijeljina,
- Računovodstvu
- a/a



Direktor:

Demir Asmir, prof.